



**Ministry of Civil Affairs**

**Broj:** 14-16-3-3-5/23  
**Sarajevo,** 29.05.2023. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14 i 59/22), ministrica civilnih poslova Bosne i Hercegovine donosi:

**ODLUKU**

**o izboru najpovoljnijeg ponuđača**

**I**

Najpovoljniji ponuđač u postupku javne nabavke promotivnog materijala sa štamptom na mekoj podlozi i papiru-LOT 2 je OXYGEN d.o.o. Sarajevo sa ukupnom cijenom 5.435,00 KM bez PDV-a, odnosno 6.358,95 KM sa PDV-om. Obavještenje je dana 17.03.2023. godine objavljeno na Portalu javnih nabavki pod brojem: 121-7-1-39-3-30/23, a postupak je proveden u skladu sa procedurom konkurentskog zahtjeva za dostavu ponuda.

**II**

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

**III**

Ova odluka stupa na snagu danom donošenja.

**OBRAZLOŽENJE**

Na osnovu provedenog postupka nabavke, Komisija za nabavke je konstatovala da je rok za dostavu ponuda 12.04.2023. godine do 11:00 sati, te da su do navedenog roka na protokol Ministarstva civilnih poslova Bosne i Hercegovine pristigle 4 ponude za LOT 2 i to ponuđača: MURIX d.o.o. Tešanj, PLATINIUM d.o.o. Tuzla, AERO-EXCLUSIVE d.o.o. Sarajevo i OXYGEN d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača MURIX d.o.o. Tešanj je nepravilna iz razloga što nije uvezana jamstvenikom, iako je tačkom 4 Konkurentskog zahtjeva navedeno da ponuda mora da bude osigurana, odnosno uvezana jamstvenikom. Osim navedenog, ponuda ponuđača MURIX d.o.o. Tešanj je neprihvatljiva iz razloga što nije dostavio Potvrdu banke da račun ponuđača nije bio blokiran u posljednjih šest mjeseci, traženu tačkom 2.3.2 Konkurentskog zahtjeva. Umjesto navedene potvrde, ponuđač MURIX d.o.o. Tešanj je dostavio Potvrdu banke da račun

ponuđača nije bio blokiran u posljednja tri mjeseca, što se ne može smatrati kao potvrda tražena tačkom 2.3.2 Konkurentskog zahtjeva.

Ponuda ponuđača PLATINIUM d.o.o. Tuzla je neprihvatljiva iz razloga što nije dostavio Obrazac izjave o podugovaranju-Aneks 5, iako je tačkom 3 i 28 Konkurentskog zahtjeva jasno navedeno da ponuda mora sadržavati sve anekse koji su sastavni dio tenderske dokumentacije. Osim toga, ponuda ponuđača PLATINIUM d.o.o. Tuzla je nepravilna iz razloga što nije ispravno dostavljen, niti popunjen Aneks 9.b-Nacrt Ugovora. U konkretnom slučaju navedeni aneks je dostavljen uz ponudu za LOT 1, iako je u tački 4. Konkurentskog zahtjeva navedeno da se ponude za sve LOT-ove dostavljaju u posebnim kovertama na kojima mora biti naznačeno na koji LOT se ponuda odnosi. Radi se o Aneksu koji nije identičan za oba LOT-a, te su ponuđači isti bili obavezni dostaviti uz svaki LOT. Osim toga, na navedenom aneksu nisu upisani podaci koji se odnose na cijenu, iako je u tački 15. Konkurentskog zahtjeva za dostavljanje ponuda navedeno sljedeće: Ponuđači su dužni uz ponudu dostaviti Nacrt Ugovora u koji su unijeli podatke iz svoje ponude, parafirati sve listove Nacrta Ugovora, te ga potpisati i ovjeriti.

Ponuda ponuđača AERO-EXCLUSIVE d.o.o. Sarajevo je neprihvatljiva iz razloga što cijena prelazi planirana, odnosno osigurana novčana sredstva ugovornog organa za nabavku. Naime, cijena ponuđača AERO-EXCLUSIVE d.o.o. Sarajevo je 6.866,49 KM bez PDV-a, a za LOT 2 su planirana sredstva u iznosu od 5.670,94 KM bez PDV-a.

Komisija je utvrdila da je ponuda ponuđača OXYGEN d.o.o. Sarajevo prihvatljiva za LOT 2, te da ista u ekonomskom i tehničkom smislu u potpunosti zadovoljava zahtjeve ugovornog organa, na osnovu čega je data preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



**Dostavljeno:**

- Ponuđaču – elektronski
- Web stranica Ministarstva – na objavu
- a/a